



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

IX. Varia item varijs in Prouincijs constructa Collegia

**urn:nbn:de:hbz:466:1-45256**

uam Collegium Sociis institutum, bona cum Regis venia, qui regiis comitiis honorifico diplomate, quod in manibus est, Societatem ornauit. Anno 1565. sequenti Vilnæ Collegium institutum: mox & Iaroslauia; deinde Posnauia. Qua tempestate parebant vni Prouinciali Præfecto Austria: qui statis anni temporibus ea collegia lustrabat: verum quod vasta ea Regio obiri commode nō posset, crescente indies Collegiorum, collegarumque numero, Poloniae regnum Prouincia facta. Accesserat enim Collegiū ad ea, quæ in Moscouia; finibus sita, proxime recensui, & Rigense in Liuania.

## CAPVT IX.

*Varia item varijs in Prouincijs  
constructa Collegia.*

APVD

**A**PVD Hispanos item Col-  
legiū in Bætica Marche-  
næ in oppido excitari cœptum  
à nobilissima matrona Maria  
Toletana, vxore Ludouici Põ-  
cij Leonij, Ducis Arcos. erat  
eadem soror Antonij Cordu-  
bæ, qui Societati pridem se ad-  
dixerat. Tãto igitur studio hoc  
agebat, vt euocatos Socios suo-  
rum commodo colligeret, vt  
ædificando Collegio mundum  
etiam muliebre omnem ven-  
deret; redactamq; pecuniam a-  
lendis Socijs ædificioq; impen-  
deret. Templum ibi satis ma-  
gnifice conditum, domusq; am-  
pla: in qua, quia multorum ca-  
pax, Bæticiæ prouinciæ Conuẽ-  
tus Sociorum tertio quoq; an-  
no habitus sæpenumero est: in  
gratiã Roderici Poncij, Leonij,  
& Teresæ Zunigæ coniugium,

N Ducum-

Ducumque Arcos: qui veluti à  
 maioribus relictam in DEVM  
 pietatem, Sociosq; studium, cū  
 ipsa hereditate adisse videntur.  
 Hoc ipso tempore Toleti Car-  
 petanorum, Sociorum cœtus,  
 è Collegij iure, in domus pro-  
 fessæ formam transijt. Proximo

1567. anno Pintia Vaccæorum ex  
 Collegio, temploq; S. Antonij,  
 domus item Professorum So-  
 ciorum constituta: Collegis ad  
 D. Stephani portam migranti-  
 bus, quod antea Ambrosij Col-  
 legium dictum, coemptis ædi-  
 bus beneficentia nobilis ma-  
 tronæ Maioris Biueroæ. Anno

1568. post secuto, in Carpetanis, Ca-  
 rauaccæ in oppido Michael  
 Reynus, vir opibus clarus, pro  
 singulari in Socios studio, bona  
 omnia testamento legauit. Col-  
 legio Sociis exædificando: hoc  
 addi-

addito elogio modestiæ pleno:  
*Si quis tantundem adderet, & au-*  
*dius opus faceret, fundatoris se no-*  
*men, iusq; ei concedere.* In ea ipsa  
 regione, anno insequenti Segarum 1569.  
 re montium, hodie *De la sierra*  
 indigenæ vocant, Christopho-  
 rus Rodericus Moya, duabus  
 virginibus Catharina Diaz, &  
 Francisca Auiles, ex se navis cõ-  
 sentientibus, sua item liberali-  
 ter Sociis assignavit: eo potissi-  
 mum consilio, vt Collegio ex-  
 structo, ea ora satis inculta, lit-  
 teris coleretur simul & mori-  
 bus. Et hæc quidem tunc in  
 Hispania gesta accepimus.

In Gallia conditum Auenio-  
 ne Collegium: quæ eius regni  
 vrbis est Pontificia. Anno quin-  
 to, & sexagesimo, Virodunū  
 Socij in Collegium, tanquam 1569  
 in coloniã, primum missi; euo-

cante eius vrbs Episcopo, è familia Præmonstratensi. Camberienſe item Collegiũ inchoatum: quæ vrbs metropolis eſt Allobrogum. In Austria Prouincia iacta tum fundamenta Collegij Olomucenſis, in Morauia regione, ſumptibus Doctoris Guilielmi, qui Præſul eã

1566. tenebat. Anno proximo Spiram Nemetum Rhenana in prouincia, quam tunc Hieronymus Natalis obibat, euocati primum Socij beneuolentia, & amore nobilis, inſignisq; Collegij Canoniorum: in primis auctoritate pij, ac nobilis viri Andreæ ab Oberſtein, Eccleſiæ Cathedralis, vt vocant, Decani. Hic vir ad generis claritatem tanta eſt grauitate, pietate, ac virtute, vt merito lumen, & exemplum Eccleſiaſticae diſciplinæ

plinae dici possit. Cumq; temporum, ac locorum angustiis tam pio desiderio remora obijceretur, euicit tamen sententia, vt, quamuis pauci, ac tenuiter, alerentur tamen nostri. Sed fundata Societas piorum liberalitate nonnihil creuit, tantumque sua opera domi, forisque praestitit, quantum ab optimo quoque potuit expectari. Neque hic stetit honorati illius, ac nobilis Canonorum Collegij officium. Vrbe enim pellendi Socij cum essent eorum opera, qui deprauatarum opinionum aestu abrepti in alia omnia discesserunt, intercessere illi, inprimisque honorandus, ac nobilis, quem dixi, Decanus, contraque nixi, Maximiliani etiam Caesaris auctoritate peruicerunt.

runt. Quin & membris additis  
 amplificare domum, que ma-  
 ior indies seges spiritalibus ex-  
 ercitationibus colligatur, stu-  
 dent. Herbipoli, in ea ipsa Pro-  
 uincia, anno millesimo quingē-  
 1567. tesimo sexagesimo septimo,  
 Fredericus Herbipolitanus E-  
 piscopus, accitis ex Italia Sociis,  
 vacuum monasterium B. Agne-  
 tis attribuit: qualia multa in  
 Germania cœnobia, pro dolor,  
 videas. In Turolensi comitatu  
 biennio post, conditum Colle-  
 giū Halense, auspiciis, & pieta-  
 te Augustarū filiarum Ferdinā-  
 di Cæsaris, Magdalenzæ & He-  
 lenæ è gente Austriaca: quæ se  
 virgines DEO deuouerant, eoq;  
 se abdidierant, Sociis, tanquam  
 pietatis administris, vsq; perhu-  
 maniter. Bona item cum ve-  
 nia Subalpini Reguli, Augustæ  
 Tau-

Taurinorum, quæ metropolis  
 Allobrogum est, vir locuples  
 Collegium Sociis ædificat: in-  
 choatū quidem anno c l o. I o.  
 LXIV. ante quam FRANCI-  
 scvs Præpositus generalis cre-  
 aretur; sed triennio post profe-  
 cti Socij; & in possessionem le-  
 gibus missi. Brixia item, quæ  
 Venetæ ditionis vrbs est, è par-  
 uis principiis magnum breui  
 Societatis sumpsit incrementū.  
 Sacerdos enim Brixienfis do-  
 mi nobilis, Sociis pridem vsus  
 familiariter ( quibus etiam ad-  
 scriptus, vt optabat, fuisset, nisi  
 valetudine incommoda vsus  
 foret (communia cū Sociis offi-  
 cia exercere: aures pœnitenti-  
 bus dare, hortari ad pietatem,  
 ægrotos inuisere, cætera id ge-  
 nus exsequi. Assedlas, vt fit,  
 mox reperit ad triginta, qui vni

N 4

illi

illi reuerenter parebant, nullis  
 tamen Religioforum homi-  
 num votis astricti. Res item  
 publica Brixienſis duo ijs tem-  
 pla attribuit, D. Antonij alterū,  
 alterum Calera nomine. Ve-  
 rum diſciplinis non ſatis excul-  
 tis, & idcirco de ſuperiori loco  
 concionari prohibitis, optimū  
 viſum omnibus, Societati ſe ad-  
 iungere: bonis etiam Fortuna  
 in commune collatis. FRANCI-  
 SCVS non inuitus accepit; quin  
 & DEO gratias egit, quod tan-  
 tam, tamq; breui tempore meſ-  
 ſem, ijs in locis, quibus maxime  
 opus eſſet, attuliſſet. In ea ipſa  
 provincia tironum domus So-  
 cietatis Nouillariæ, Comitum  
 eius ditionis beneficio, à fun-  
 damentis eo ipſo nono,  
 & ſexageſimo anno  
 excitata.

1569.

CAPVT